



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

8

77

P-20

93

Рисун

1899



2614

2003



«Հորի» անուցիտ յարգելի Վստանցոյ Գաւ  
Ք. Մ. Մեծ

5835

№ 8.

ԺՈՂՈՎՐԴԱԿԱՆ ԳՐԱԳԱՐԱՆ



Թ Ա Մ Ա Ր

Գինն է Հին Գ Կապէկ.

Թ Ի Յ Լ Ի Ս  
Տպարան Մ. Գ. Ռամկեանցի  
1889



5885

№ 8.

ԺՈՂՈՎՐԴԱԿԱՆ ԳՐԱԳԱՐԱՆ

8 — 3

Բ-20 ԱԿ ՊԱՏԿԵՐ

# Թ Ա Մ Ա Ր

3284

Ք

Փարզմանեց

ՄԵԼՔՈՆ ՊԱՊԵԱՆ-ԴԱՆԱԳԵՅՁ

Գրեց է ՀԻՆԳ Կոպեկ.



Թ Ի Ֆ Լ Ի Ս

Տպարան Մ. Գ. Առախնեանցի

1889



4

Дозволено цензурою. Тифлисъ. 22-го Ноября, 1889 года.



## Թ Ա Մ Ա Ր

Նուակարգ ժանիքաւոր պարիսպներով պատած Բագուն,  
սև աշտարակներով այդ սպիտակ քաղաքը, Բագուն, կրա-  
կապաշանների սրբազան մայրաքաղաքն, ասես թէ մեռած  
լինէր հարաւի կիզիչ ճառագայթների տակ: Ամենաթող  
հովիկ անգամ չէ փչում հրատապ փողոցներում: Խորին  
լուսթիւն է տիրել անշարժ քաղաքին: Միայն թնդանօթի  
պայթիւնն է լուում մերթ ընդ մերթ հեռու դաշտավայ-

Типографія М. Д. Рогиніанца на Гол. Просп. домъ № 41.



րից. երկնքի պայծառ կապուտակի վրայ երևում է ծխի փոքրիկ սպիտակ ամպիկը. ուումբի պոկոտած մի քանի քարեր խրամատից գլորւում են ցած:

Աւթսուն օր է արդէն, որ պարսից Նուր-Էղզին շահը պաշարել է քաղաքը. նա պահանջում է նախահայրերից իրեն ժառանգութիւն մնացած քաղաքը և երդուել է կամ տիրապետել, կամ կործանել նրան: Քաղցն ու ծարաւը սուկալի գաշնակից դարձած, նպաստում էին նրա կամքին, — լուռ, քաղցած ամբոխը հազիւ հազ շարժւում է հրապարակներում: մարդիկ թուլութիւնից հառաչ անգամ չէին կարողանում արձակել. սեւցած, ցամաքած լեզուները կպել էին քմքերին և շրթունքներն ասես թէ քարացած լինէին: Միայն պարիսպների պաշտպան զինուորականներն էին, որ ջրհորի ջրի վերջին մնացորդը, պաշարի վերջին հատիկները ստացած, հրացայտ աչքերով, զէնքերը պինդ սեղմած դեռ ևս ման են դալիս կատաղի անէծք թափելով ատամների միջից, որովհետև պաշարուած քաղաքում շուտով վառօդի կարիք էլ է զգացուելու, ինչպէս զգալի է արդէն հացի և ջրի կարիքը: Իսկ կրակապաշտները տաճարում աղօթում են վառուող նաւթի բոցի առաջ, որը անդադար դուրս է գալիս երկրիս կեղեի պատատուածքից: Զուր է նրանց աշխարհիս տէր, արեգակին ուղղած աղերսը: Լուսատու Ստուածն անկարեկից է նրանց թշուառութեան. նա իւր ճառագայթներով ոսկեղօծում է հրասապ աւերակներն և ծիրանի գոյնով ներկում ծխի քուլաներն, որոնք ծանր ծանր բարձրանալով քաղաքից, ավրոււում և բոտորային ամպի նման կանգնում են նրա վերեւ:

Նուր-Էղզինի թնորանօթի պայթիւններն դադարում են մի առ վայրկեան և չաղթական կառախումբերի զղրղոցի նման կրկին որոտում են արձագանգ տալով երկրիս վրայ: Մերթ ընդ մերթ քուրմերն ու աղօթողները յանկարծ ջախջախուած գլխով գլորւում են գետին: Ահագին ուռւ-

բերը զարհուրելի ոցժով խիւում են պատերին և ներս մըտնում: Չարդ ու փշուր են լինում խաների պալատի խորասկուած դռներն և նուրբ քանդակները: Եւ ահա մէկ էլ տեսար ժողովուրդը սարսափահար վազում է քուրմերի մօտ և խելագարի նման գոտում է:

— Անձնատուր լինինք, անձնատուր լինինք:

Կրակապաշտները ոչինչ չեն պատասխանում, որովհետև լուռ է իրենց քրմապետ շիրվանը: շիրվանը կանգնած է իւրացիներով շրջապատուած. մոզպետը իւր կրօնի աւանդութեան հակասակ, որ արգիլում է նրան արիւն թափել, զինաւոր դարձած, հանդարտ նայում է այդ ժողովրդին: Արհամարանքի թէ ցաւակցութեան ժպիտ է խաղում նրա շրթունքների վրայ:

— Անձնատուր լինինք: Անձնատուր լինինք: Քաղաքը յանձնէք նրան, ապա թէ ոչ վազն արդէն ուշ կ'լինի:

Շիրվանն այն ժամանակ ասաց.

— Նուր-Էղզինը վաղն սպանուած կ'լինի:

Զարմացած ժողովուրդը սառած նայում է այդ մարգարէութիւնն անողին: Ամեն կողմից նետի նման թափւում են հարցերը.

— Ո՞վ կ'սպանէ նրան, մեզ ո՞վ կ'ազատէ նրա ձեռքից: Շիրվանը պատասխանում է.

— Ո՞վ կ'ազատէ: Մի կին:

Ամեն կողմից լսւում են կասկածանքի շշուկներ, ապա և ձայներ: Ամբոխը չէ հաւատում, նա յուզւում է: Իսկ աւելի և աւելի յաճախ արձակուող ուռմբերն աւերում են այդ սուրբ ողջախոհ քաղաքի քարէ պարիսպը, որ զօտիի նման պատել է նրան:

Շիրվանը ձեռքով ցոյց տուեց: Ամբոխը նայում է նրա ցոյց տուած կողմը և ի՛նչ է տեսնում:—

Արեգակի ճառագայթներից պէճ-պէճին տուող փոշու ամպով պաշարուած ընդարձակ ստուերի մէջ երևում



է մի նորատի աղջիկ, որ ուրուականի նման համրաբայլ առաջ է գալիս:

Նա զեղեցիկ է. նա զեռ մանկահասակ է, բայց նրա տենդային կրակով բորբոքուող աչքերից, այդ նեղ, մետաքսանման երկար թերթերունքով պատած աչքերից հերոսական զօրութիւն է թափւում. նրա հրափայլ մագերը խոպոպներ են կազմում ճակատի շուրջը. Իրանի վարդի թերթիկների նման թափանցիկ են նրա այտերը. ճկուն, բարակ իրանը նման է շինարի (լիանի) \*). դասակաները զարդարուած են սաւաղով պատած արծաթէ ասպարանջաններով. սանդաղի \* ) գնդակներից շինած քառամանեակի տակից բաբախում է նրա կուրծքը. թափանցիկ մնդուսի միջև, արեան կաթիլի նման խոշոր յակիկնդն աւելի ևս պարզում է նրա սպիտակ շրջազդեատը, իսկ մետաքսէ երկար վերարկուն ձգուած է ետեւից:

Մինչ ամբոխը շրջնում էր հիացած, նա մտաւ իւր արեւակիցների շրջանի մէջ տեղը: Ամբոխը նրան զիտելով թնդանօթների որոտն էլ մոռացաւ, անընդհատ դիտապատ գետին գլորուողներին էլ:

Նա ծունդ շոքեց: Հիրվանն ասաց նրան.  
— Թամար, հասել է ժամը: Եղբայրներդ, հայրդ, նշանածդ ընկան Նուր-Եղդիինի զինուորների գնդակներից: Մայրդ վշտից մեռաւ: Հայրենիքդ նոյնպէս կորստեան է մատնուած: Մենք քեզ ընտրեցինք, որպէս զի զնւ ազատեց մեզ: Համաձայն ես արդեօք. կամենում ես մեռածների վրէժը լուծել, իսկ կենդանիներին փրկել:  
Թամարն արդէն մտածել էր այդ մասին, ծով էր պա-

\*) Liane, hier Խօսքից է, որ նշանակում է միացնել, կապել: Մի քանի պատահել բոյսերն այդպէս են կոչւում: Այն գաղթականների բոյսերն են, որոնք իրենց ճիւղերով փաթաթում են ուրիշ բոյսերին:  
Ման. Թարգ.  
\*) Սանդաղը հնդկական անուշաբոյր ծառ է: Ման. Թարգ.

հել և աղօթել. նա լսել էր հին աւանդութիւններն, որոնք կենդանացնում, հողի են տալիս մարդուն:

Նա պատասխանեց.  
— Այո, կամենում եմ:  
— Թամար, պատրաստ ես մեզ փրկելու համար քո երիտասարդութիւնդ, քո գեղեցկութիւնդ, քո կեանքդ, առաւել քան կեանքդ—քո անարատութիւնդ զոհելու:  
— Պատրաստ եմ:  
— Վեր կաց ուրեմն ու զնն. զնն յաղթական Նուր-Եղդիինի մօտ:

— Կ'զնամ: Ինչ որ վճռուած է, ինչ որ ասացիր ինձ կ'կատարեմ, — ես նրան կ'սպանեմ:

Թամարը բարձրացաւ տեղից. նա պարզեց ձեռները. աչքերը բորբոքուեցան բարկութեամբ, նրա լացնացած ուռնգերն ասես թէ արդէն որսի հոտն էին առնում:

Նա այս զրութեամբ աւելի ևս գեղեցիկ էր թւում ու ժողովուրդն էլ նոյն ողևորութեամբ համակուած, գոռում էր յուզմունքից խեղդուելով.

— Գնն, զնն:  
Եւ Թամարը մի հայեացք էլ, անյողզողդ վճռակա՛նութեամբ լի հայեացք ձգելով Հիրվանի վրայ, ճանապարհ ընկաւ:

Թամարը դանդաղ քայլերով դուրս եկաւ տաճարից, անցաւ փողոցներն ու հրապարակները, ոտքը քաղաքի շէմքից դուրս դրեց և մինչ արեգակն իւր մուտքին էր խոնարհուում ու երկայն ստուերներ իջնում երկրիս վրայ, նա, միայնակ, քայլերն ուղղեց Նուր-Եղդիինի բանակը:

Գիշերը վրայ հասաւ: Աջնտեղ, հեռուն, առազի վրայ ընկած սայրի նման, մի երկայն, նեղ շերտ միայն փայլում է մայր մանող արևի ճառագայթներից: Այդ ծովն է,—



Տոբը՝ որի վրայ ծփում են պատերազմողների արիւնով ներկուած աղաջրի կոհակները....

Եւ այդ մնայլ, խոր զիշերին, Քամարը հաստատ քայլերով առաջ է գնում,—միայն սիրտն է, որ թախծաղին ճմլւում է կրծքում և քունքերի զարկերակները ուժղին բարբախում: Խաւարի մէջ դուրս են սողոսկում մի ինչ որ զարմնազան պատկերների, մէկ էլ զիշատիչ թռչունն է, որ իւր որսով զբաղուած, մերթ ընդ մերթ, Քամարի մօտենալուն պէս, համրաթոխի վեր է բարձրանում՝ խուզոտ, չարազուշակ ձայն արձակելով:

Զարհուրելի անորոշութեամբ պաշարուած, Քամարն արագ քայլերով գնում է ճանապարհով. թէև նույստակակտառ հեռու չէ, բայց նրան այնպէս է թւում, թէ կարծես երբէք տեղ հասնելու չէ:

Լեռների մէջ լանկարծ երևում է մի կարմիր բիծ: Հէնց իմանաս հրդեհի բոցն ես տեսնում սաղարթախտ եղևինների ետեւից: Կարմիր բիծն ածում, մեծանում, աւանտում է և, ասես արիւնաշաղախ ձեռների վրայ հաստատուած վահանի նման, լուսինն իւր հանդարտ լոյսը սփռում է ընդարձակ հարթավայրի վրայ:

Եւ Քամարը—սարսափելի պատկեր է տեսնում իւր չորս կողմը: Նա տեսնում է այն, ինչ որ հէնց մի փոքր առաջ երևակացել էր իւր մարմնում—վերջին ճակատամարտի միջոցին ընկած, իրար վրայ թափուած զիակների կոյտեր, —մեկնուած ձեռներ, փէտացած ոտներ, բաց շրթունքներով կապտած կարմրաուն դէմքեր: Նրան թւում էր, թէ շարժւում, վեր են կենում նրանք: Մի տեսակ խուլ բրժժոց է լուում նրա ականջներում, ամբոխը—կապտադէմ ննջեցեալների ամբոխը վազում է նրա ետեւից: Եւր նշանաճը, հայրը, եղբայրները, նրանք բոլորն էլ այդտեղ են, ճանապարհի վրայ փռուած: Նրանց խոշոր, մահու վայրկենին լայն բացուած անշարժ աչքերը չառած են նրան.

Նրանց կրծքում, սրտի մօտ, վերքը բացուած է՝ նման իրենց բաց մնացած բերաններին: Քոյլ, հազիւ լսելի մի ձայն, մեղմ հովիկի հունչի նման հասցնում է Քամարի ականջին այն խօսքերը, որ մի փոքր առաջ Բագում ժողովուրդն ասում էր նրան՝

—Գնա, գնա:

Նա օրորուեց, նրա միտքը խաւարում է, զիշերային սարսափը պաշարում է և ետ է մղում նրան: Նա պատրաստ է Բագու վերադանալու:

Բայց նա վրդովւում է իւր այս փոքրոգութիւնից: Նա գնում է: Եւ աչքերը խիած, նա առաջ գնաց: Հայրենիքի սերն ամեն մի վայրկեան զօրանում է նրա մէջ. նրան թւում է, թէ դա մի ահագին ծառ է, որի մօտ եղևինը մի խղճուկ խուշանձ է երևում: Նա իւր երևակացութեան մէջ զրկախառնում է Նուր-Էդդինին: Զարհուրելի, սեւ, զոռուելի է թւում նրան Նուր-Էդդինը: Եւ ահա այդ հրէշին պիտի դիւթէր ու ոչնչացնէր ինքը: Նա բաց է անում աչքերը, շտապեցնում է քայլերը: Ազդակի իւր հանդէպ, Նուր-Էդդինի բանակից ծխի քուլաները զանդաղ բարձրանում են վեր կաթնագոյն հորիզոնի վրայ: Յանկարծ նա ցնցուեց վայրի կանչի ձայն լսելով. մինի կոպիտ ձեռները բռնում են նրան և իրենց ետեւից քաշ ածում: Նա բանակումն է, —զինուորները Նուր-Էդդինի մօտ են քաշ տալիս նրան:



Նուր-Էդդինը հանգստանում է զովարար անկուածով ծածկուած ասղնագործ բարձերի վրայ և զբանցով զովացնում է իւր կրակի նման տաք այտերը. նրա ոտների սակ, քաղցրաբոյր դալարի խրձիկների միջև, թալկաձև թէք են ընկել իւր կանայքը:

Նրանց առաջ, նաւթի կանթեղներով լուսաւորուած հրապարակում, փռուած է արմաւենու տերեւների օրինակներով զարդարուն ձիւնի նման սպիտակ մեծ դորդը, որի



վրայ պարուժեն հերքեցուհիները՝ երաժշտութեան մերթ  
 դանդաղ և մերթ ուժգին բաղտումներով. կանթեղները  
 պայծառ լոյս են սփռել այս ամբողջ տեսարանի վրայ:  
 Երաժշտական խմբի կառավարիչ ստրուկը զուռնան հուպ է  
 տալիս շրթունքներին և փոքրիկ եղեգնեայ սրինգը մերթ  
 խիստ ձայներ արձակելով և մերթ շրջնալով կառավարում  
 է պարերը. մի ուրիշը կոնտոցը դանդաղաբար քսում է  
 երկարականջ ծխանուրի լարերին. մի կին զուռնաչու հա-  
 նած քմահաճ եղանակին հետևելով, հնչեցնում է խաչ-  
 տաբղէտ դահիրան անհարթ դրմբդրմբոց հանելով, մինչ մի  
 բարակ, արևակէզ աղջիկ փետրի ծայրով փանդան պղնձէ  
 թելերն է շարժում թեթևակի: Երաժշտութիւնն ու պա-  
 բողներն սպիտակագգեստ պատկերները թմբութիւն էին  
 ձգել Նուր-Եղզինի վրայ: Եւ ահա նա տեսնում է դժգու-  
 նաբէմ մի կին, որ հանդաբա քայլերով, առանց ձայն ու  
 ծպտունի, գրկաբաց, մոլոր հայեացքով մտնում է իրեն:  
 Եւ այդ դէմքի մեռելային սպիտակութեան վրայ նուան  
 ծաղկի նման կարմիր շրթունքներն առաւել ևս սպիտակ են  
 թուում: Նա իւր քաղցրաբոյր շունչով դիպաւ Նուր-Եղզի-  
 նի ճակատին: Նուր-Եղզինն զգաց, թէ ինչպէս նրա շրթ-  
 թունքները հպեցան իւր շրթունքներին, իսկ այդ համբոց-  
 րին հետևեց քաղցր խոնջութիւնը:

Նրան թուում է, թէ հողին վերանում է իրենից և  
 թէ այդ վճուկ կինն իւր կեանքը խլելով, սէր պարզեւում  
 փոխարէն: Զուռնի սուր ձայնն ու թմբուկի յաճախ հարուա-  
 ծի բաղտումները հնչեցին օդում: Նուր-Եղզինը ջանկարծ  
 սթափուեց: Նա ձեռքովը շփեց ճակատը՝ հէկց իմանաս ու-  
 զում էր տեսիլքը հեռացնել:

Բաց միթէ սա նոյն ինքը ուրուականն է իւր աչքե-  
 րին երևում, թէ երազի ցնորքն է, որ արթուն ժամանա-  
 կըն էլ տեսում է դեռ:

Նրա առաջ, զինուորականներով պաշարուած, կանդ-

նած է մի կին: Նրա քոյլի թեթևակի բացուած ծալքերի  
 տակից Նուր-Եղզինի աչքերին ընկաւ այդ կնոջ դժգոյն  
 դէմքը, վարդագոյն բերանիկը, դիւթական հրաշալի աչիկ-  
 ներն, որոնք իւր թեթև նիրհն էին վրդովել:

Երաժշտութիւնը դադարեց... փարձակները կանդ  
 առան—վեհապետի կանայքը վզներն երկարացրած, ար-  
 մուկները վրայ բարձրացան այդ տարերկրացի կնոջը դե-  
 դերու համար: Զինուորականներն երկրպագեցին վեհապե-  
 տին, —նրանք բանակի մօտակայքում հանդիպել էին այդ  
 կնոջը՝ հաւանականորէն քաղաքից դալիս: Նա դեռատի է,  
 գեղեցիկ և լաւ հագնուած: Որքան հարց ու փորձ էին ա-  
 րել, իրենց բոլոր հարցերին մի բառ էր պատասխանում.—

—Նուր-Եղզին:

Շահը նշան արեց: Զինուորականներն առաջ հրեցին  
 թամարին:

—Ահա արքայից արքան: Երկրպագիր և աան, ինչ  
 ես ուզում:

Թամարն աչքերը ցած թողեց. նա դեռ սիրտ չէր ա-  
 նում այդ հրէշին նայելու:

Սակայն մի քայլ առաջ է գնում, խոնարհ դուրս է  
 տալիս և պատասխանում է.

—Ապատան եմ խնդրում. միայնակ փախաց, հեռա-  
 ցայ սրբազան Բագուից: Արդեօք կ'ընդունեն ինձ...: Աղեր-  
 սում եմ ոտներդ ընկած... քո ստրուկդ կ'ըստնամ:

—Վտեցիր: Ոչնչից մի փախենալ:

Որքան ներդաշնակ, որքան փաղաքուշ էր այդ խօս-  
 քերն արտասանող ձայնը: Թամարը, որ յաղթականի կող-  
 մից կոպտութիւն էր սպասում, զարմացած և զզացուած  
 է: Միթէ այսպէս է խօսում բանապետը:

Այն ժամանակ արդէն նա համարձակուում է աչքերը  
 վեր բարձրացնել ու նայել նրան: Նուր-Եղզինն իւր առաջն



էր. վառուող կանթեղների լուսով պայծառ լուսաւորուած է նրա դէմքը:

Իւր զարհուրանքով և ատելութեամբ սողորուած մտքում թամարն անձոռնի և արիւնարբու մէկն էր երեակաջում Նուր-Եղզինին, մինչդեռ նա երիտասարդ էր և բարի: Նրա հաստ կուպերի տակ փայլող աչքերը կանացի հայեացքի խորին քնքշանք են արտայայտում. նրա պայծառ ճակատն ասես թէ անընդունակ էր բարկութեան կնճիռներ կազմելու: Ծիծղուն շրթունքներ ունէր նա և այսը իւր բարակ, նեարդային, սպիտակ ձեռքին յենած, կէս պտուկած դրութեամբ շեշտակի նայում է շփոթուած թամարին:

Այսպէս էր ահա սրբազան Բաղու քաղաքի արքայաւորը, այն դաժան զօրականը, խստասիրտ չաղթականը, որ իւր պատնէշների սուջէը, քաղաքի հանդէպ, կարած գլուխների մի ամբողջ դաշտ էր ցցել. նա երբէք գերի չէ վերցնում և մոլութիւնից ու արիւնից արբեցած, ոչ ծեր է խնայում, ոչ երեխայ և ոչ կին:

Թամարը չէր շարժուում:

Նուր-Եղզինը խօսեց կրկին:

— Ես խտասիրտ եմ նրանց համար, որոնք դիմադրում են ինձ, բայց բարի եմ. հլու հնազանդների համար: Ասա ինձ անունդ: Բաց երեսդ:

Թամարն ասում է իւր անունը, արագութեամբ բաց է անում երեսը և կրկին ծածկում է քօղով:

Դա մի փայլակ էր, որ միայն Նուր-Եղզինը նկատեց և միմիայն նրան էլ ապուշ կրթեց:

Կանայք հետաքրքրութեամբ նայում էին թամարին: Նախանձի հուրը բորբոքուեց նրանց աչքերի մէջ:

— Ի՞նչ է ուզում այդ բարբարոս աղջիկը: Զգուշացիր որոգայթից, ո՞վ Նուր-Եղզին: Թող հեռացնեն նրան մօտիցդ:

Նուր-Եղզինը ոչինչ չպատասխանեց նրանց: Մի ինչ որ սարօրինակ հայեացքով նայեցաւ և շնչալով պատուէր

տուեց: Ինչպէս ոչխարի հօտը շների ատամներից կամ հովուի մահակից, այնպէս վեր կացան տեղերից ու հեռացան կանայք, սորուկները, պարոզները: Արակները հանգան, պահնորդները դատարկ տարածութիւն կազմեցին արքայական վրանի շուրջ. և մինչ համատեղութիւններն հանդարտ իրենց շրջանն էին անում, և պարզ երկնակամարի տակ կէս գիշերային զովարար գեփիւօը հազիւ հազ ծածանում էր դրօշակներն, իսկ կանանց կարած վարդերի քնքուշ բոյրը տարածւում էր օդի մէջ, թամարն ու Նուր-Եղզինը մնացին մենակ:

Նուր-Եղզինը պահ մի լուռ կացած զմայլած նայում էր թամարին: Թամարը քօղը յետ արած կանգնած էր նրա առաջ սուկայծող աստղերի նսեմ լոյսի տակ: Նա պինդ սեղմած էր իւր շրթունքներն՝ ասես թէ կամենալով արգելք լինել հէնց այն է արտայայտուելու պատրաստ խօսքերին: Զեռքը սառն էր, սառն էին և ուսերն ու հոլանի կուրծքն: Արիւնը խփում էր սրտին: Նա զարհուրում էր ինքն իրենից անգամ. իւր մօտալուռ սարսափելի դրութիւնն բոլորովին ճնշել էր նրան: Սակայն թուլութեան այդ առաջին արտայայտութեանն շուտով զսպեց նա. — սիրոն ուժգին բաբախում է կրծքում, բայց ոչինչ չպէտք է արգահատէ նրան — Թամարը իւր երդումը կ'կատարէ:

Եւ ահա մէկը բռնում է իւր ձեռքը. նրան կամացուկ Նուր-Եղզինի կողմն են քաշում:

— Թամար, մենք մենակ ենք: Ասա ինձ, ի՞նչն է քեզ այստեղ բերել: Աչքերդ խոնարհ, սասցային հայեացքով մի կանգնիլ առաջս: Արկնում եմ — ոչնչից մի վախենալ:

— Երկիւղը հեռու է ինձանից:

— Յայտնիր ինձ քո ցանկութիւններդ, քո զաղտնիքներդ:

— Յանկութիւնս — ես այդ արդէն ասացի քեզ. իսկ



զաղանկըներս — դրանք կ'մնան հողուս մէջ: Բաւական է որ ասում եմ — իմ տէրս եղիր:

— Իրաւունք ունիս: Դու չքնաղ ես, զեղեցիկ: Ի՞նչիս է պէտք մնացածը: Ինձ թւում է, թէ ես պատում էի քեզ, թէ դու պէտք է որ դաշիր: Դու նրանցից մէկն ես, որոնց սէրը կեանքով կարելի է միայն դնել:

Թամարն ասես թէ մի խիստ հարուած ստացաւ սրտին:

— Երևում է, դու զգացել ես, որ իմ շարաքաղդ սէրըս կարող է քեզ մահ սրտածաւել:

— Նախազգացումները, Թամար, ինձ վրայ չեն ազդում: Քո հրապոյրի զօրութիւնն փորձեցի անձիս վրայ և զգում եմ, որ քեզ այնպիսի խորը սիրով սիրեցի, որպէս երբէք չեմ սիրել: Ո՞վ է քեզ այդ ոչժը տուել: Քեզ ո՞վ օգնեց ինձ տիրանալու: Հաղիւ միայն նայեցայ քեզ, բայց սակայն հողուս աչքերը քեզ այնքան պարզ են տեսնում, որ ասես թէ արևն իւր փառահեղութեամբ պատած լինեք քեզ: Ասա ուրեմն ինձ քո կամքդ: Քո զերիդ՝ և ոչ տէրդ լսում եմ քեզ:

Թամարն իւր սքանչելի զլուխը քնքշութեամբ դարձնում է Նուր-Էղդինի կողմը և այս անգամ արդէն իւր թաց աչքերը նրա հայեացքն են որոնում:

— Բայց խօսքս կ'կատարեն արդեօք:

Թամարը յոյս ունի, նա նախատեսում է փրկութիւնը, տեսնում է, որ իւր մէկ խօսքովն ազատուելու է Բագուն:

— Խօսիր:

— Ա'կատարեն արդեօք խօսքս, եթէ մինչև իսկ յանդգնէի ասելու, — Տէր, դարձիր քո սահմաններից, տար զօրքերդ, ազատիր սրբազան Բագու քաղաքը. ես կամենում եմ, որ այսպէս լինի:

Այդ խօսքի վրայ բոլորովին այլափոխուեց Նուր-Էղդինի դէմքը: Նրա բարի աչքերից կայծակ էին ցայտում. պաշտառ դէմքը մնայեց, վազրի կերպարանք ստացաւ. վայրե-

նաբար բունն ծիծաղելիս ծումուեցան նրա շրթունքներն և երևան եկան ատամները:

Խռպոտ ձայնով ասաց նա.

— Երբէք, երբէք լինելու բան չէ այդ: Անդարձ դատաւարտուած է քաղաքը: Ո՞վ կ'ին, մի բան կայ դեռ, որ սիրելուց էլ թանկ է ինձ համար — վրէժխնդրութիւնն է այդ: Տխուր մտածում էր Թամարը.

«Ա'երջացած է, պէտք է սպանեմ սրան»:

Այն ժամանակ յանկարծ Նուր-Էղդինը հարցրեց նրան.

— Բայց դու խօսումս ես, այնպէս չէ Թամար:

— Եթէ ինձ չքնաղ ես համարում, ես քեզ եմ պատկանում և միայն մահը կ'բաժանէ մեզ:

Թամարը մի տարօրինակ ձայնով ասաց այդ. կարելի էր կարծել, որ հէնց այն է, իւր զաղանկը դուրս էր պրծնելու իւր լեզուի ծայրից, իւր խոստումը զոհուելու էր անխոհեմ զթաւարտութեան: Բայց Նուր-Էղդինը ոչինչ չէր հասկանում:

— Ե՛կ, Թամար, մոռանանք ամեն բան, — դու՛ քո վիշտդ և ես՝ իմ զայրոյթս: Դու չքնաղ ես, չքնաղ՝ քաղցրը քան ամուսինս՝ Նուրմաղիւլը: Թող քո մետաքսեայ նուրբ մազերիդ հրաշալի հիւսերը ոսկէ շղթայ դառնան իմ զերութեան համար, հնչական, մաքուր ձայնդ բիւրեղի է նման, իսկ մարմինդ որպէս քնքուշ պտուղ անուշահոտութիւն է բուրում: Միրում եմ քեզ:

Փայտուկ մոմի նման հալում էր Թամարի սիրան այս խօսքերը լսելով և իւր սոսների տակ տեսնելով մի այսպիսի զեղեցիկ, բարի, բայց և հպարտ ու խոտախիտ մարդ: Եւ մինչ Նուր-Էղդինը երկիւղած մանկան նման զրկախառնած՝ քնքշութեամբ դէպի իրեն է քաշում՝ նրան, Թամարը սրտում է և ուշադրութեամբ իւր հոգու զաղանկարանն թափանցելով, սարսափահար ասում է ինքն իրեն.

«Աւաղ, անբաղդս, ես սիրում եմ սրան»:



Արքայական վրանում, ուր յատակին փռուած Ռազստանի  
և պարսկական թանկագին գործուած գորգերից ոտի ոչինչ  
ձայն չէ լսուած, կարճատև, բայց հեշտական ժամերից յետոյ,  
լուսոյ գէտ, կանգնած է Քամարը անկողնի առաջ, ուր  
հանգստանում է Նուր-Եղզինը:

Վժգոյն դէմքով, սպիտակ շորեր հագած, հերարձակ  
Քամարը դիտում է վեհապետի խաղաղ դէմքը, որ լուսա-  
ւորուած է եռոտանու վրայ, պսպղուն գէնքերի միջև դը-  
րուած լամպարի թոյլ լուսով:

Նուր-Եղզինը մանկական քնոց մէջ էր:

Նա անհոգ քնած է:

Քամարը հարուածը շիջեցրեց:

Աետ թէ մի տեսակ անուրջքի մէջ լինէր նա. և ահա  
կրկին նրա աչքերի առաջ պատկերանում է անողոք իրա-  
կանութիւնն, իւր արիւնածարաւ ջանձնաւութիւնն, որ  
սարսափ էր ազդում իրեն:

Սակայն հասել էր չարմար ժամը: Ամեն ինչ քնած է  
բանակում, շուտով աստղերը կ'մարին և կ'անհետանան  
արևածագի վարդակարմիր փայլի մէջ. կսկսի լուսանալ:  
Հիրվանն և իւր զօրքերը նշանի են սպասում: Նուր-Եղզի-  
նի մահուամբ միայն պէտք է ապահովուի նրանց յաղթա-  
նակը:

Իսկ Քամարը շարունակ մտածում է:

— Ահա ինձ յաղթահարողը... իմ զոհս: Այո, նա կը  
մեռնի, նա պէտք է մեռնի:

Պարսկական դաշոյնի սուր, լայն և կարճ սաչրի ցոլքն  
եռոտանու վրայից ընկնում է նրա աչքին. նա վեր է առնում  
սաչրը և զողզող մատներով գննում է նրա սրութիւնը:  
Բայց մի կողմն է հրում դաշոյնը:

— Ի՞նչպէս պիտի կարողանամ ես այդ անել: Սպանել:  
Ո՛հ, աւելի բաւ կ'համարեմ խաչատաակուել և երդմնա-  
գանց լինել:

Նա մտնեում է վրանի մուտքին. դուրս նայելու հա-  
մար բարձրացնում է ծանր գործուածքը: Առաւօտեան աղ-  
ջամուղջի առաջին նշոյլները փայլում են հորիզոնում: Մի  
փայրկեանից փողերի և թմբուկների ձայները կ'ազդարարեն  
բանակի զարթնելը: Եթէ մի րոպէ ևս տատանուի՝ ուշ  
կ'լինի արդէն: Յանկարծ նա շուռ եկաւ: Նրան այնպէս  
թուաց, որպէս թէ մինը խօսեց իւր ետևում: Նուր-Եղ-  
զինը գետ քնած էր. բայց նրա բերանը կիսաբաց է—  
հէնց նոր էր Քամարի անունը արտասանել:

Քամարը ծունց չոքեց:

— Ո՛հ, Նուր-Եղզին, ես սիրում եմ քեզ, սիրում եմ:

Եւ իւր շրթունքները հպում է նրա զօրեղ ձեռքին,  
բայց որպէս զի չզարթեցնէր նրան՝ այնքան թեթև էր  
հպում, որ կարծես օդային գուրգուրանք լինէր դա:

Չոհարերութիւնը վճռուած է: Քամարը զոհում է  
իրեն, ընդունում է իւրայինների անէծքը:

Նուր-Եղզինը կենդանի կ'մնայ:

Բայց Նուր-Եղզինի կենալը—համազօր է Բագուի  
պաշտպանների մահուան. իւր սիրոյ յաղթանակը—հայրե-  
նիքի կորուսան է. իւր երակներում եռացող արիւնը—գա  
իւր հուր ու սուրի մտանուած հայրենիքն է. իւր առաջի-  
կայ երջանկութիւնն—ազգականների և սրաակիցների չար-  
չարանքն է:

Եւ կրկին մի քիչ առաջ ձանապարհին տեսած զար-  
հուրելի ձիւաղները պատկերանում են իրեն,—անշարժ բի-  
բերով կապտած դէմքեր, երկաթ միտուած կրծքեր. և կըր-  
կին, որպէս թէ գեփիւռի թեթև տատանմամբ խաւարի  
միջից իւր ականջին հասնում են հանգարտ ձայներ, որոնք  
ասում են.

— Գնո՛ւ, գնա՛:

Նա կրկին վեր առաւ դաշոյնը. մի կողմ քաշեց լամ-  
պարը, որն անշափ լոյս է տալիս: Նա վճռել է գործել.

1001  
3984



բայց նա չէ՛ ուզում տեսնել: Ես աւարը պատեց Նուր-Եղզինին: Երկչոտութեամբ շուրջը նայելով, վիզը երկարացրած, Քամարը մօտենում է նրան, յետոյ յանկարծ ետ է քաշւում, թագ է կենում վրանի խորերում, վեր է ձգում դէնքը:

Քամարը գլուխը ձեռքին յենած, նստել է այգտեղ և հեկեկում է անզգաց գրութեամբ:

Հեռուից աքաղաղի երգի նման մի պարզ ձայն հասնում է նրա ականջին: Արդեօք Բագուից եղջերուափողի ձայնն չէ՞ դա:

Նրա շուրջ, ամեն կողմից լուում են անողոք ձայներ, որոնք կրկնում են.

— Գնա՛, գնա՛:

Քամարը խցում է ականջները: Բայց, չնայելով այդ ամենին, ձայներն առաջուայ նման կրկին լուում են նրա ականջին—և այն ժամանակ ամեն ինչ պարզուեց նրան: Այն, նա պէտք է զո՛հ բերէ իւր անձը. բայց այժմ արդէն հայրենիքը նրանից պահանջում է զո՛հաբերել ոչ թէ պատիւը, ոչ թէ գեղեցկութիւնը, մինչև անգամ իւր անարատութիւնը չէ, որ զո՛հ է պահանջում հայրենիքը, հապա նոյն իսկ իւր սէրը: Նա վեր է կենում տեղից: Անկեանը գորգի վրայ մի փայլուն իր գրաւում է նրա ուշադրութիւնը—դա իւր ձգած դաշոյնն է:

Նա կրկին վեր է առնում դաշոյնը. նա մօտենում է անկողնին. նրա ձեռքը Նուր-Եղզինի գլուխն է փնտրում. ձեռքը տանում անցընում է նրա վզի վրայով և դողդոջուն մասների տակ գզում է զարկերակի բաբախումը, որի ամեն մի զարկը նրա սրտի կեանքն էր արտայայտում:

Նուր սայրն իջեցնում է նա այգտեղ, յետոյ յանկարծ իւր ամբողջ մարմնի ծանրութեամբ հուպ է տալիս դաշոյնը...:

Տաք արեան ուժղին հոսանքը ցայտեց նրա դէմքին. նա վեր է ընկնում Նուր-Եղզինի դիակի վրայ, արտասու-

քով լուանալով և համբոյրներով ծածկելով նրա գլուխը՝ որ ոչ մի շարժում չէր գործում, նրա աչքերը՝ որ ոչ մի անգամ չբացուեցան, նրա շրթուքները՝ որոնք ոչինչ հառաչ չարձակեցին:

Քամարը յուսահատ կանչում է նրան.

— Նուր-Եղզին, Նուր-Եղզին:

Առաջուայ նման միևնույն լուութիւնը տիրել է վեհապետի վրանում:

Այն ժամանակ Քամարը կանգնում է ուղիղ, ջլաջին ուժգնութեամբ ծամուած ձեռներով շանկոտում է իւր այտերը, կուրծքը և իւր արիւնը խառնում է Նուր-Եղզինի արեան հետ: Նա եռօսանու վրայից վեր է առնում լամպարը և կրակում է անկողնի վտաւակը. նախ է ածում վրանի դիւրախաւ յատակի վրայ և մինչ ինքն առանց գինուորականներից և ոչ էլ յետասնդումից վախենալու, կիսամերկ, արիւնաշաղախ, խելագարի նման վազում էր դաշո՛ վայրի ազաղակ բարձրացրած, շուտով Նուր-Եղզինի վրանից բարձրացան բոցի բարձր լեզուակները, որոնք աւելի ևս հրհրատում էին առաւօտեան գով քամուց:

Լսուեց թնդանօթի բոմբիւնը: Բագուի պարիսպների վրայից արձակում են սումբերը—հրդեհը զարթեցրել էր նրանց: Բացում են քաղաքադռները և կրակապաշտները շարձակում են պաշարողների վրայ:

Իզուր են սրարսիկներն իրենց պետին կանչում: Վրասնում, ուր զինուորականները մտնում են աղմուկի լուրը տալու, Նուր-Եղզինին տեսնում են խողխողած և սարսափը տիրում է նրանց—նրանք այլ ևս իրենց առաջնորդի ձայնը չեն լսում:

Քուռունների երամների նման փախուստ են տալիս նրանք կրակապաշտների գնդակներից, և չաղթական Հիրփանը, իւր հայրենիքի թշուառութիւնները մոռացած,



հանդիսաբար վերադառնում է Բագու: ճանապարհին, անշունչ գիակի նման փոշու մէջ թաթախուած ընկած է մի էակ:

Հիրվանի մօտենալիս, նա զարհուրելի արտաշայտու թեւամբ մօտենում է նրան:

— Կ՞ն էս, Հիրվան: Լաւ կատարեցի պարտաւորութիւնս:

Փամարի անունն անցաւ բոլոր զօրքի շրթունքների վրայից: Ամեն կողմից շրջապատեցին և ուրախ-ուրախ ողջունում են նրան:

— Փառք և պատիւ քեզ, Փամար: Նուր-Կզգինի զօրքը փախուտս դարձաւ: Հայրենիքը փրկուած է:

— Հայրենիքը փրկուած է: Աւրեմն ես կարող եմ մեռնել: Եւ միւսնոյն գաշոյնով, որով սպանել էր Նուր-Կզգինին, Փամարը կտրեց և իւր կոկորդը:

Մեռնելով՝ նա համբուրում էր իւր սիրած մարդու թարմ արեան հեղքերը, որոնք մնացել էին ձեռքի վրայ:

.....

Խաղաղութիւնը սիրեց: Մաքուր օդի մէջ ազատ սաւառնում են թռչունները. այնտեղ, պարսից բանակի վրայ կանգնած է բարակ ծիւի ամպը. արեգակը ուրախ-ուրախ ոսկեգօծում է սրբազան Բագու քաղաքի բուրգերն ու աշտարակները:

Եւ Փամարի անունն արդէն բանաստեղծների բերանումն է— նրան փառաբանում, լերան բարձունքն են հասցնում, ուր արքայ արծիւներն են իրենց բոցնը դնում, փառաբանում, հասցնում են ծովի ափն, ուր սպիտակ առաջի վրայ ծովի արծաթափայլ երանգներն իրենց յախտնական երգն են երգում:



Հրատարակիչ: Ժողովրդական գրականութեան հրատարակչություն



